

bastie de l'Aquitaine; posee au pied d'un roc, duquel sourcelent vne infinité de fontaines, & ya vn beau bois au dessus.

Ily a plusieurs autres belles Abbayes, & Prieurez au país de Perigord, tant de Moines que de Religieuses.

Non loing de Perigueux est vn petit village ou bourg apellé Cadoin, où estoit le saint suaire de nostre Seigneur.



DV PAYS DE LIMOSIN ET DES VILLES ET places qui en dependent.

LE país de Limosin, est diuisé en haut Lymosin, & bas Lymosin; & est fort abundant en boscages, & n'a iamais changé son

jamais changé son nom fort remarqué par Cesar, & autres Romains. Et n'y a qu'un gouvernement dependant du Parlement de Paris.

Le haut pais de Limosin est arrosé de la riuere de Vienne que les Limosins apellent Viguene, & a quarante deux lieues Françoises de longueur.

FONDATION DE LA VILLE
de Lymoges.

Limoges est la cité capitale du haut pais Limosin, vne des plus âciènes & fameuses des Gaules, situee partie en vallon, & partie sur la croupe d'une petite montaigne, du costé de S. Martial: & le vallon est vers la riuere de Vienne, où est la cité & l'Eglise cathedrale, dédiée

au nom de S. Estienne, par le glorieux Apostre de Guyenne, S. Martial.

Ceste ville suiuant l'opinion de quelques Autheurs a son nom d'un ancien gouverneur des Gaules nommé Lemouix, de la race des Gomerites & successeurs des enfans de Noé.

Elle estoitadis plus grâdequ'elle n'est à present, comme l'on peut voir par des remarques & vestiges de murailles, que l'on void hors de la ville, ayât esté rui-
nee par plusieurs fois.

Au païs de Limosin les hommes sont de grand trafic, actifs, & ennemis de l'oyfueté, grands Catholiques, tellement que les Huguenots ou Calvinistes n'ont peu trouuer entree en leur ville; & ont esté les Limosins tousiours fort fideles au Roy de France.

Jean

Jean Daurat Poëte Royal & le Roy des Poëtes, & Marc An-
thoine de Muret estoit natifs
de Limoges, lesquels auoint esté
precepteurs de cest autre excel-
lent & insigne personnage Mon-
sieur de Belle-forest, Muret fut
faict citoyen Romain.

Les païsans du païs Limosin
abhorrent la friandise, & se con-
tentent de peu, & pour ce sont
alaires & dispos, viuans long-
quement: de sorte que l'on void
quelques fois vn vieillard voir
ses enfans iusques à la quatries-
me generation. Ils se maintien-
nent si bien en amitié que l'on
void des maisons en ce païs, où
il y a plus de cent personnes de-
meurans tous ensemble; sans
faire partage, & viuans comme
en vn College.

En ce haut païs Limosin y a
plusieurs villes assez bonnes &

marchandes, comme S. Yvier, la Perche, iadis hermitage, S. Iunien, où il y a Eglise collegiale, S. Leonard Abbaye renommee, Salloignac, la Soubs-terrane, Beneuent, Pierre Busiere, Segur, ancié siege du païs Limosin appartenât aux anciens Comtes de Perigord, Chastus, lieu remarquable pour la grande foire de Guyéne. En ce païs estoit aussi la ville de Bré, laquelle fut ruinee & rasee par les Angloys.

L'Abbaye de grand mont, au haut Limosin, fut instituee l'an de nostre Seigneur mil sept cets six, par vn Auuergnac nommé Estienne, hôme noble & saint personnage, lequel enhorta plusieurs personnes à se retirer hors du monde.

Les maisons illustres du haut Limosin sont celles de Pierre Busiere, Chasteau neuf, les Cars, main-

maintenant erigee en Comté; Vau-guion, Roche Chouard, des plus anciennes de Guyenne, Magnac, & autres.

Le bas païs Limosin est arrosé de la riuere de Dordonne, qui le sepere d'Auuergne; il est aussi laué du fleuue Vesere.

Ce païs, quoy que grand, n'a que trois villes de remarque: toutes trois Royalles, Tulle, Vzerche, & Briue; lesquelles sont ordinairement enquerelles pour la preeminence & autorité, chacune protestant d'estre la premiere.

FONDATION DE LA VILLE
de Tulle.

Ceste ville n'estoit autrefois qu'une Abbaye, laquelle fut erigee en Euesché par le Pape Iean vingt deuxiésme, auquel lieu

lieu S. Martial prescha, & mesme fait plusieurs miracles au chasteau de ce lieu, comme aussi il prescha à Bruiasac, & à Rosignac.

A Tulle y a siege presdial, & y est l'Eslection du bas Limosin, & la recepte des Tailles, & deniers du pais; y ayant grand trafic en icelle: par ce que sur tous autres de ce pais, les citoyens de Tulle sont laborieux, subtils, & fins au possible, aymans les proces, lesquels ils fondent sur la pointe d'une espingle: & qui pis est on les blasme du mestier de resmoings à gage.

Ceste ville estoit iadis fort grande, & y auoit plusieurs temples des Dieux des Payens, abatus par le moyen & predication de S. Martial.

La ville est situee entre des montaignes & pays raboteux & mon-

DE LA FRANCE. 473

montaigneux, fertile & portant de bons vins, & abondant en noyers, d'où ils tirent grand profit, pour les huilles. Le peuple y est fort deuot & Catholique.

En l'Eglise cathedrale, y a vne esguille & pointe pyramide du clocher, qu'on estime des plus belles de France; sans excepter celle de S. Michel à Bordeaux, ou celle de saint Geruais à Lectoure.

DE LA VILLE D'V.
zerche.

VZerche est vne ville belle, plaisâte, & bié aëree assise sur le Vezere, qui est vn torrent impetueux, & environnee d'eaux, de toutes parts; de sorte qu'elle semble du tout imprenable.

On tient que le Roy Pepin bataillant contre waifer Roy d'Aquitanie, feit bastir ce lieu & forteresse, armee de dix huit tours, & belles deffences. Il ya siege Episcopal establi par ledict Pepin.

Il ya vne belle Abbaye de l'ordre de S. Benoist, en laquelle estoit la nappe sur laquelle nostre Seigneur feit la Cene: il y a aussi quelques corps de saincts personnages, où se font plusieurs miracles: & mesmes deuant S. Leon, & S. Coronar, où les insensez faisans leur neuvaines recourent santé & entendement.

Puis est encor Vinadiere, dependant de S. Jean de Hierusalem. A deux lieties de là est la Chartreuse de Glandieres.

Les citoyens de ceste ville ayment plus les armes que la
mar-

merchandise: aussi sont ils toujours fort belliqueux.

Ce pais est fort fertile en bleds, vins & chastaignes, & la riviere en bon poisson, & surtout en truittes.

DE LA VILLE DE BRIVE.

LA troiesme ville fameuse du bas Limosin, est Briue la Gaillarde, situee en vne belle & fertile campagne, ayant bois, vignes, terres labourables, prairies, & tout ce qu'on sçauroit souhaiter pour la vie des hommes.

Ceste place est ancienne estât desia du temps que les François vindrent en Gaule, n'estant pour lors qu'un village.

Il y a de present vne Seneschaussee, qui la fait plus riche & frequentee. Elle estoit iadis

du ressort de Perigueux, mais le Roy Charles 6. la ioignit au Limosin. Ce qui est cause de grands procez entre ceste ville, & celle de Tulle, & d'Vzerche, comme auons dict.

Il y a plusieurs autres villes au bas Limosin, comme Trignac, Donsenac, Allasac, Beau lieu, Messac, Villet, S. Angel, & Beaumont, iadis rasee par les Anglois.

Les illustres maisons de ce païs sont celles ici: Vendour, Combort, Turenne, Pópadour, Maumont, Roffignac. S. Ial, Gemel, & autres.

Du pays Limosin ont sorti cinq ou six Papes, plusieurs grâds Prelats: nombre infini de braues Cheualiers & Capitaines, plusieurs autres hommes de grand & rare sçauoir.

L'an mil cent nonante neuf
le

le Roy Richard ayant esté ad-
uertí qu'un Cheualier Limosin
auoit trouué sous terre les I-
mages d'un Empereur, sa fem-
me, & ses enfans, assis à vne ta-
ble, le tout de fin or ; Ce qu'il
voulut auoir & retirer dudict
Cheualier, lequel nioit auoir riē
trouué: mais ayant entendu que
le Roy le vouloit faire mettre pri-
sonnier, il se retira au Vicomté de
Limoges en son chasteau de
Chassus, où ledict Roy le feit as-
sieger, à mauaise heure pour lui,
car il receut vn coup de fiesche
dans l'œil, dont il mourut para-
pres: & ne laissa aucuns enfans
pour lui succeder.

Les Limosins sont gens ac-
cords, graues, sages, & fins, n'e-
stans hastifs en leurs actions,
diligens neantmoins en leurs
affaires, laborieux, prompts à
faire plaisir, vn peu chiches, &
fors,

Hi-
toire
nota-
ble,

fordidéz chez eux , excepté les gentils hommes, lesquels y sont magnifiques & genereux, & les citoyens des villes , qui sont mieux ciuilisez & appris que la populace.



DV PAYS D'AVVERGNE
& places y comprises.



Vuergne estoit iadis region separee & faisant vn peuple particulier à soy, depuis que les Romains la subiuguérét. Elle est mise au denóbrement de l'Aquitaine, à cause qu'elle est entre Loire & la Garonne.

Ce país est diuisé en haut & bas. Celui qui est en la Cápaigne
s'a-